

Broj: 01-171/19-1
Tuzla, 28.01.2019. godine

Na osnovu člana 53. Statuta JKP "Komunalac" d.o.o. Tuzla, te Odluke o ponovljenoj trećoj prodaji dotrajalih vozila i opreme putem javne prodaje-licitacije br: 01-171/19-1 od 28.01.2019. godine, direktor preduzeća objavljuje

JAVNI OGLAS

o ponovljenoj trećoj prodaji dotrajalih vozila i opreme putem javne prodaje – licitacije,

1. PREDMET PRODAJE:

1.1. Predmet Javnog oglasa je ponovljena treća prodaja dotrajalih vozila i opreme putem javne prodaje – licitacije, i to:

1. **Buldožer LIEBHERR PR 724 LGP**

proizvođač: LIEBHERR
tip: PR 724 LGP
ser.br: VAUZO755KZT011273
god proizvodnje: 2010.
motor: 120 k W

2. **Viljuškar HYUNDAI HB 15 E**

proizvođač: HYUNDAI
tip: HB 15 E
ser.br: 2151266
godina proizvodnje: 2011.
Ostalo: neispravan sat

3. **Viljuškar dizel**

Stanje: neispravan

4. **Teretno vozilo, Samoistovarivač/kiper DAIMLER-BENZ**

Proizvođač: DAIMLER-BENZ
Tip: 1617
Broj šasijske: 38506714698304
godina proizvodnje: 1980.
Motor: dizel

2. CIJENA I NAČIN PRODAJE

- 2.1. Početna cijena za
 Buldožer LIEBHERR PR 724 LGP, iznosi 60.000,00 KM bez PDV-a.
- 2.2. Početna cijena za
 Viljuškar HYUNDAI HB 15 E iznosi 7.500,00 KM bez PDV-a.
- 2.3. Početna cijena za
 Viljuškar dizel, iznosi 2.500,00 KM bez PDV-a.
- 2.4. Početna cijena za
 Teretno vozilo, Samoistovarivač/kiper DAIMLER-BENZ, iznosi 4.000,00 KM bez PDV-a.
- 2.5. Predmeti prodaje se ne mogu prodati ispod navedene cijene te se prodaju prema načelu „viđeno-kupljeno“ čime su isključeni svi naknadni prigovori i/ili reklamacije.
- 2.6. Poreze i naknade u vezi s prodajom dužan je platiti kupac i to na prodajnu cijenu vozila.
- 2.7. Pravo na kupovinu predmeta ostvaruje ponuđač koji ponudi najveći iznos u visini početne cijene ili veći.

3. PRAVO UČEŠĆA

- 3.1. Pravo učešća u prodaji – licitaciji imaju domaće i strane pravne i fizičke osobe koje uplate kauciju u iznosu od 10% početne cijene pojedinog vozila za koje ponuđač licitira.
- 3.2. Kaucija se uplaćuje na žiro račun JKP „Komunalac“ d.o.o. Tuzla broj: 161-025-00008400-67 koji se vodi kod Raiffeisen Banke, **zaključno sa danom 07.02.2019. godine**, uz obaveznu naznaku za koje vozilo odnosno opremu se polaže kaucija.
- 3.3. Učesnicima u postupku prodaje – licitacije čije ponude ne budu prihvaćene uplaćena kaucija od 10% će biti vraćena u roku od 7 dana od dana završetka prodaje – licitacije, dok će uplaćena kaucija najpovoljnijem ponuđaču biti vraćena nakon predložene dokaza o izvršenoj uplati punog iznosa ponuđene cijene.
- 3.4. Radnici zaposleni u JKP „Komunalac“ d.o.o. Tuzla nemaju pravo učestvovati u prodaji – licitaciji.

4. PREGLED VOZILA

- 4.1. Vozila i oprema koji su predmet prodaje – licitacije mogu se pogledati na službenom parking prostoru JKP „Komunalac“ d.o.o. Tuzla, Ul. Husinskih rudara bb, 75 000 Tuzla, svakim radnim danom u vremenu od 10,00 do 14,00 sati, uz prethodnu najavu prodavcu na broj telefona 062/348-362.
- 4.2. Licitacija će se održati dana 08.02.2019. godine u 12,00 sati, na adresi Husinskih rudara bb, 75 000 Tuzla.

5. DOSTAVLJANJE PONUDA

- 5.1. Ponude se dostavljaju u zatvorenoj koverti na kojoj treba napisati redni broj, marku i tip, za koje se ponuda dostavlja, sa naznakom "PONUDA ZA PONOVLJENU TREĆU PRODAJU DOTRAJALIH VOZILA I OPREME PUTEM LICITACIJE – NE OTVARATI"
- 5.2. Rok za dostavljanje ponuda je 08.02.2019. godine do 9,00 sati. Sve ponude dostavljene nakon navedenog roka neće se uzeti u razmatranje.

6. OTVARANJE PONUDA

- 6.1. Javno otvaranje ponuda, uz prisustvo zainteresovanih ponuđača, održaće se 08.02.2019. godine u 12,00 sati, u prostorijama JKP "Komunalac" d.o.o. Tuzla, Ul. Husinskih rudara bb, 75 000 Tuzla.
- 6.2. Otvaranju ponuda mogu prisustvovati ponuđači, fizičke osobe lično ili putem punomoćnika, te osoba koja je ovlaštena da zastupa pravnu osobu ili punomoćnik za učestvovanje u licitaciji (obavezno predočiti punomoć/ovlaštenje)

7. SADRŽAJ PONUDE

- 7.1. Podaci o fizičkoj osobi (ime i prezime, ime jednog roditelja, adresa i broj telefona, kopija identifikacionog dokumenta)
- 7.2. Podaci o pravnoj osobi (kopija aktuelnog izvoda iz sudskog registra ili rješenje o registraciji preduzeća, ovjerena pečatom pravne osobe, ime i prezime osobe ovlaštene za zastupanje, adresa i broj telefona).
- 7.3. Iznos ponude mora biti iskazan isključivo u konvertibilnim markama (KM)
- 7.4. Redni broj, marka i tip vozila
- 7.5. Ponuda mora biti potpisana od strane podnosioca ponude, a ukoliko je ponuđač pravna osoba, ista mora biti potpisana i ovjerena pečatom pravne osobe.
- 7.6. Prihvatljivom ponudom se smatra svaka ponuda koja sadrži podatke iz tačke 7.1. do 7.5. i čiji je iznos ponude jednak ili veći od početne cijene pojedinog vozila.
- 7.7. Licitacija je punovažna i u slučaju da ponudu dostavi jedan prihvatljivi ponuđač za jedno vozilo.

8. POSTUPAK PRODAJE – LICITACIJE

- 8.1. Predsjednik komisije otvara ponude čiji se sadržaj unosi u listu ponuđača koja sadrži: naziv ponuđača, redni broj, marku i tip vozila, ponuđeni iznos i prihvatljivost ponude.
- 8.2. Ponude koje ne ispunjavaju uslove prihvatljivosti neće se razmatrati u daljem postupku licitacije.
- 8.3. Komisija, nakon razmatranja liste ponuđača, utvrđuje najpovoljnije ponude za svako vozilo o čemu usmeno obavještava prisutne ponuđače. Predsjednik komisije proglašava pobjednike licitacije koji su dostavili najpovoljniju ponudu za pojedino vozilo.
- 8.4. Ako se na poziv za prodaju – licitaciju određenog vozila odazove samo jedan ponuđač s prihvatljivom ponudom, komisija ga proglašava pobjednikom licitacije.
- 8.5. Ako se prijave dva ili više ponuđača sa prihvatljivom ponudom i istom cijenom, koja je ujedno i najveća cijena ponude, komisija će na javnom otvaranju ponuda provesti dodatnu usmenu prodaju – licitaciju i odabrati povoljnijeg ponuđača.

9. OBAVEZE KUPCA

- 9.1. Ponuđač, odnosno kupac, čija ponuda bude prihvaćena, dužan je zaključiti Ugovor o kupoprodaji u roku od sedam dana od dana završetka licitacije.
- 9.2. Kupac je dužan za kupljeno vozilo uplatiti puni iznos najkasnije u roku od sedam dana od dana potpisivanja Ugovora.
- 9.3. Sve poreze i troškove u vezi s prenosom vlasništva snosi kupac.
- 9.4. Primopredaja vozila – opreme izvršiće se odmah nakon predočenja dokaza o izvršenoj uplati kupoprodajne cijene.
- 9.5. Ukoliko kupac ne zaključi Ugovor o kupoprodaji ili ne uplati iznos ponuđene cijene, uplaćena kaucija od 10% neće biti vraćena, a prodavac će zaključiti Ugovor sa sljedećim najpovoljnijim ponuđačem.

10. DODATNE INFORMACIJE

- 10.1. Prodaja vozila se vrši po principu “viđeno-kupljeno” i bez mogućnosti naknadnih prigovora i reklamacija, koje se neće ni razmatrati.
- 10.2. Sve informacije u vezi sa javnom prodajom – licitacijom mogu se dobiti svaki radni dan u vremenu od 10,00 do 14,00 sati na broj telefona 062/348-362, kontakt osoba Bašić Senajid.
- 10.3. JKP “Komunalac” d.o.o. Tuzla zadržava pravo da prihvati ili odbije ponude, obustavi ili poništi prodaju po ovom Javnom oglasu u bilo kojoj fazi javne licitacije, sve do momenta uplate kupoprodajne cijene.

Direktor

Mr.sc. Admir Bećirović